



# GACETA MUNICIPAL

ÓRGANO OFICIAL DE PUBLICACIÓN DEL  
AYUNTAMIENTO DEL MUNICIPIO DE SAN LUIS POTOSÍ

## SUMARIO

RESULTADOS DE LA CONSULTA INDÍGENA RESPECTO DE LOS TRABAJOS DE ACTUALIZACIÓN DEL PROGRAMA MUNICIPAL DE ORDENAMIENTO TERRITORIAL Y DESARROLLO URBANO DE SAN LUIS POTOSÍ, S.L.P. Y EL PROGRAMA DE DESARROLLO URBANO DE CENTRO DE POBLACIÓN DE SAN LUIS POTOSÍ, S.L.P., QUE EMITE ESTE INSTITUTO MUNICIPAL DE PLANEACIÓN.  
(TRADUCCION TENEK)

OCTUBRE 2020



*San Luis*  
*¡Suena fuerte!*



SECRETARÍA  
**GENERAL**  
GOBIERNO MUNICIPAL SLP

Ordinaria octubre  
AÑO 2020  
Número 62  
San Luis Potosí, S.L.P.  
21 de octubre de 2020

UNIDAD ADMINISTRATIVA MUNICIPAL  
Bld. Salvador Nava Mtz. 1580, col. Santuario, San Luis Potosí, S.L.P.



K'al in putuntal an t'ojlab k'al an konobixtalab abal an Programa Municipal de Ordenamiento Territorial y Desarrollo Urbano ti Tan Pots'ots, Tan Pots'ots . ani k'al an Programa de Desarrollo Urbano de Centro de Población de Tan Pots'ots, Tan Pots'ots, axi in t'ajal axe xi ataj atiklap, axe xi t'ojlab ne ka pidhan an ok'lek tenek ani ne ka buk'uat an kaw ti al p'atal an tsa' wat'bom kaw axi in kawnal an tenek, axe kwuat punudh ti pejach kaw jun inik bok ti al an Lejkidh kaw kal an konobixtalab ti al an bichow Tan Pots'ots ani an kuenchal ti Tan Pots'ots, jilkón axe xi kaw axi ne ki wila'.

T'ojlab k'al an konobixtalab tenek

Tam ti tujej axe xi konobixtalab tenek, t'ajan an t'ojlab ani in konobiy janey xin yejenchal an kuenchal tenek, axe xi t'ojlab jilk'on duchadh, patal axi in yejenchal, janey xi ne ka t'ajan, an pulik t'ojlab axi k'wat bijidh ti al an Programa Municipal de Ordenamiento Territorial y Desarrollo Urbano ti Tan Pots'ots, Tan Pots'ots . ani k'al an Programa de Desarrollo Urbano de Centro de Población de Tan Pots'ots, Tan Pots'ots..

Bats'uat 271 i duchlab, olchixtalab ani t'ojlab axi in yejenchal an k'uajilom tenek ti al an bichow, tse i atiklap konobiyat axi ox in uluw abal in yejenchal:

- Infraestructura y servicios básicos (41.7%)
- Seguridad en el espacio público (17%)
- Movilidad y conectividad (13.7%)

K'eat i konobixtalab, duchlab in uluw abal jayetski' in konoy i alwatalab ti bichow (6.6%)

- Imagen urbana (6.6%)
- Vivienda (6.3%)
- Áreas verdes y Contaminación (4.8%)
- Vulnerabilidad por riesgos (3.3%)

Abal ka wuatsin jun i jununultalab, dhuchan patal an 271 i konobixtalab, duchlab axi in uluw an tenek bichow, axi koniat ti al an konobixtalab xi t'ajan, axe jilk'on:

Tolmixtalab axi in yejenchal an kwenchal:

k'al an kwenchal tenek, an t'ajnel in ulal abal lej in yejenchal k'a ts'ejkaj an kuenchal ani ka wuatsin i alwa' tajbinel, abal ka k'uajiy alwa, ani kin kooy axi in yejenchal. Jjxtam jilk'on in bij, "alwa' t'ajbinel ti kwenchal", axe xi pulik t'ojlab in alial abal an kwenchal tenek kin kooy jun i jununultalab ani ne ka t'ajan an t'ojlab abal ka beletna an biyal t'ajbinel tenek .

Al axe xi konobixtalab bats'uat 113 i dhuchlab, 46 i konobixtalab an tenek bichow in uluw abal in yejenchal ti kwenchal jaits an: an t'ojlab abal kin tolkoy, kin beletna' an ja', anist jaye an tsa' tajxatlab ti kuenchal. Axe xi konobixtalab lej yan i kuenchal in konoy, ani jilk'on in bijil, "Pulik t'ojlab abal an tajxatlab ti kwenchal abal ka wuatsin i beletnaxtalab.

Beletnaxtalab

Axe xi t'ojlab uluat abal an kwenchalom tenek kin kooy an beletnaxtalab, axe xi t'ojlab jilk'on dhuchadh jant'ini "Pulik t'ojlab abal ka wuatsin an beletnaxtalab ti al an kwenchal k'uajilom", axe in alial abal yab ka wuatsin i jolbinel ani ka wuatsin i jolatalab abal an atiklap kwenchalom, kin wit'a ka belats yab k'al i jik'elitalab, anist ka wuatsin i t'ajbilab abal ka tamkunal an kwenchalom tenek, ani kin kooy i jununultalab.

Axe i batsuw 46 i dhuchlab, konobixtalab ani t'ajbinel, axe xi t'ojlab jilk'on punudh abal ka bijyat beletnaxtalab k'al an bel ani beletnaxtalab k'al an k'uajilom.

Axe xi t'ojlab, in alial abal patal an k'uajilom tenek kin kooy i jolatalab abal ka alwa k'aujy, axe xi pulik t'ojlab bijyat" Pulik t'ojlab abal an beletnaxtalab k'al an atiklap axi lej u'kchidh ti al an kuenchal".

Yatsintalab

Ti al an tamkuntalab axi t'ajna k'al an kwenchal tenek, uluat abal in yejenchal abal ka wuatsin i tolil pat'al axi needhom k'al an atiklap ti al an bichow. Axe xi t'ojlab alwa com in t'ajal abal an atiklap kin ejtow ka utey ti bichow, abal kin kooy an t'ojlab axi kin yejenchij. Jjxtam axe xi t'ojlab alwa com an k'uajilom tenek ne kin ejtow kin kooy i jolatalab, jununultalab ani beletnaxtalab, anits jaye an pulik t'ojlab in alial abal ka wuatsin i tumin abal ka t'ajan an t'ojlab axi in yejenchal an k'uajilom tenek ti bichow.

Axe xi dhuchadh t'ojlab in koyial ox i pulik kaw axe jaits: an k'uajilom kin ejtow ka kalej ti al an bichow, an bichow kin kooy i alwa jolatabal, ani an k'uajilom ka kale ti an al bichow. axe xi tójlal t'ajnal abal an k'uajilom tenek ka exlomna' ani yab ka k'eaxna'.

Al axe xi t'ojlab bats'uat 37 i dhuchlab, konobixtalab ani t'ajbinel axi in uluw in yejenchal an k'uajilom tenek, ani k'eat i kuenchalab, axe 25 i duchlab in konial ka t'ajan an t'ojlab abal an k'uajilom kin ejtow ka yatsin ti al an bichow.

Tolomixtlaba ti bichow:

Al axe xi t'ojlab in kooy laju waxik i duchlab, konobixtalab ani t'ajbinel axi in t'aja an kwenchal k'uajilom tenek ti al an bichow, axi in konoy abal ka k'akna' an biyal t'ajbilab, abal kin ejtow ka tamkun, ani yab ka k'eaxna' ani ka t'ajan an t'ojlab axi kin yejenchij an k'uajilom tenek.

Al axe xi t'ojlab jilk'on punudh "Pulik t'ojlab abal an bichow" axe in alial abal an kwenchal k'uajilom kin kooy jun i tolmixtalab abal ka k'uajiy alwa, jun i jununultalab ani ka beletna an biyal t'ajbinel. ka utunchat patal an t'ojlab axi in t'ajal an Eyal ti bichow. anits jaye t'ajan an konobixtalab abal ka t'ajan an t'ojlab abal k'uajilom kin ejtow ka k'uajiy alwa, axe in t'ajal abal ka t'ajan jun i lejkidh kaw abal ka beletna patal an atiklap tenek ti al bichow.

T'ojlab abal ka k'uajiy abala an bichow

Jant'ini in uluw an kuenchal tenek, axe xi t'ojlab in alial abal ka beletna an biyal t'ajbinel, ani ka tejuamej alabel an bichow.



Al axe xi t'ojlab bats'uat laju waxik i duchlab, konobixtalab ani t'ajbinel, axi laju tse' in ulal in yejenchal kin kooy jut'a kin ejtow kin olna' an axi in exlal an bichow tenek, an biyal t'ajbinel, an kaw ti tenek, ani patal axi u t'ajnal ti al jun i kuenchal, tse' i dhuchlab in konial abal ka k'uajiy k'wetodh jut'a tamkunal an atiklap tenek. axe xi t'ojlab in koyial jun i t'ojlab axi bijidh "Ataj abal al kuenchal tenek" ani axi mas jaits abal an beletnaxtalab k'al an tsabal jut'a u ku'ajil, anits jaye abal ka beletna an amul ni an ja' axi yabats u eynal.

Ataj' k'uajilom

Axe xi t'ojlab in koyial an kaw abal patal an t'ajbinel ti al an bichow lej jununul ka k'uajiy. axe xi t'ojlab in alial abal an tenek k'uajilom kin kooy jun i jolatalab abal ka k'aujiy, ka beletna an tsabal. abal kin ejtow ka kale alwa axe xi t'ojlab ne ka t'ajan i t'ojlab abal ka puwey jununul an kuenchal, ka t'ajan i ataj abal ka alwa k'uajiy an tenek atiklap, axe ne ka t'ajan beletnadh an tsabal. Jaxtam axe xi t'ojlab in tsalpayal jayets'kij jant'ini in ulal an laju buk i dhuchlab, konobixtalab ani t'ajbinel axi in t'aja an k'uajilom tenek, ejtil an Tolmixtalab abal ka t'ajan i ataj, axi yab ka kale lej jalbidh abal an k'uajilom, kin kooy patal axi in yejenchal jun i ataj, axi kin beletna an tsabal ju'ti k'uajil. Tolmixtalab ju'ti ka olchat jant'odha kin t'aja jun i ataj, axi yab ka kale lej jalbidh abal an k'uajilom, kin kooy patal axi in yejenchal jun i ataj, axi kin beletna an tsabal ani tolmixtalab abal an atiklap tenek axi yab in atal yan i tumin abal kin ejtow kin kooy in k'ima', axe xi tolmixtalab ne ka k'ale abal kin kooy jun i ataj alwa ti al an bichow.

Beletnadh jolatalab ani yab ka wuatsin i amul

Axe xi t'ojlab in koyial an kaw jant'ini in konial an kwenchal tenek axi in ulal abal patal an atiklap kin kooy jun jolatalab axi kin kooy i t'elom, ka beletna an tom abal ka wuatsin i alwa ik' ani yab ka yawlats, ani ka k'uajiy kulbel.

Axe bats'uat laju ox i dhuchlab, konobixtalab ani t'ajbinel abal axe xi t'ojlab, laju i dhuchlab in konial abal yab wuats i jolatalab jut'a kin kooy i t'e pakdha o beletnadh, ox in uluw abal ka beletnadh an ik'. Axe xi konobixtalab abal ka pidhan an k'uajilom tenek i jolatalab k'uat punuch ti al Pulik t'ojlab abal an beletnaxtalab k'al an ik', anist jaye an t'ojlab abal ka wuatsin pejach tsabal yaxuxul. k'al axe xi dhuchlab uluat abal ka beletna an pulik itse' abal yab ka luklin, axi dhuchadh ti an al kaw oxchil al axe xi t'ojlab axi in ulal ka beletna' patal an ja', anits jaye an ka beletna wualchikte'an pulik itse', anist jaye an t'ojlab bijidh "tamkuntalab abal an beletnaxtalab an pulik itse Santiago, itse Paisanos".

Tolmixtalab tam kin yejenchij

Jilk'on k'al an tenek bichow abal axe xi t'ojlab ne kin beletna' patal an k'uajilom tenek ti al an bichow tam kin yejenchij jun i tolmixtalab tam ka pujew an itse ejtil, o max kin yejenchij jawakits tam kaw, axe bats'uat beleo i dhuchlab, konobixtalab ani t'ajbinel axi in uluw abal yabats ka wuatsin i uk'tsinel ejtil, ani ka beletna an k'uajilom tenek ti bichow tam kin yejenchij tam ka ayna' max in beletna an tsabal o in jolatalab k'an an kuenchalom tenek.

Axe xi dhuchlab, k'uat punudh ti al an t'ojlab k'al al: yab ka wuatsin i uktsinel k'al an pulik bichow, ani an t'ojlñaba k'al an beletnolatab an aja taxi lej u uk'tsinal tam ka ulits an ap, o ka yatsin al tsabal. axe jaye xi t'ojlab in alial patal an tolmixtalab abal ka wuatsin jun i dhuchlab axi kin uluaw jut'a wuaats i k'aka'adhtalab ti an an bichow Tan Pots'ots' ani patal an kuenchal xi utat ti al axe xi bichow, antsana in ejtowal an eyal kin exla' ani kin olchij an k'aujilom tenek abal yab kin k'iba' in k'ima' o in yanel tam ka juatsin jun i k'ak'adhtalab.

**Mtro. Fernando Torre Silva**

Director General del Instituto Municipal de Planeación  
RUBRICA